

IV. OPOSICIÓN E CONCURSOS

CONSELLERÍA DE PRESIDENCIA, ADMINISTRACIÓN PÚBLICAS E XUSTIZA

Corrección de erros.-Resolución do 3 de novembro de 2006, da Dirección Xeral da Función Pública, pola que se aproba e se fai pública a relación provisional de admitidos ao proceso selectivo para o ingreso no corpo superior de administración da Xunta de Galicia (grupo A), escala de letrados.

Advertidos erros na relación provisional de admitidos da dita resolución, publicada no *Diario Oficial de Galicia* nº 212, do 3 de novembro, cómpre facer as seguintes rectificacións:

No primeiro parágrafo, onde di « ... relación provisional de aspirantes admitidos ...»; deberá dicir: « ... relación provisional de aspirantes admitidos e excluídos ...».

No terceiro parágrafo, onde di: «Aprobar a relación provisional de admitidos ...»; deberá dicir: «Aprobar a relación provisional de admitidos e excluídos ...».

Despois do terceiro parágrafo, engadir o seguinte: «Así mesmo, publícase a lista de excluídos, que figura como anexo a esta resolución».

No derradeiro parágrafo, onde di: «Os aspirantes que non figuren na lista de admitidos ...»; deberá dicir: «Os aspirantes que non figuren na lista de admitidos, así como os excluídos ...».

Relación de excluídos:

APELIDOS E NOME	NIF	QUENDA	MOTIVO DA EXCLUSIÓN
BOTANA GARCÍA, MARÍA BELÉN	46900955E	LIBRE	20
CANAL SUARDIAZ, JOSÉ ANTONIO	32828585H	LIBRE	10,20
URIA MARIÑO, FRANCISCO MANUEL	47355151Z	LIBRE	20

CÓDIGO	DESCRIPCIÓN
10	INSTANCIA FÓRA DE PRAZO
20	TAXAS NON ABOADAS

CONSELLERÍA DE EDUCACIÓN E ORDENACIÓN UNIVERSITARIA

Orde do 20 de outubro de 2006 pola que se convoca concurso de traslados para a provisión de prazas vacantes na Inspección Educativa.

Existindo prazas vacantes nas inspeccións de Educación e debendo facerse a provisión entre funcionarios dos corpos que a continuación se citan, a Consellería de Educación e Ordenación Universitaria dispón convocar concurso de traslados de acordo coas seguintes bases:

Primeira.-Convócase concurso de traslados, de acordo coas especificacións que se citan nesta orde,

para a provisión de prazas vacantes entre funcionarios dos corpos de:

-Inspectores ao servizo da Administración educativa.

-Inspectores de Educación.

Este concurso rexerese polas seguintes disposicións: Lei orgánica 2/2006, do 3 de maio, de educación, Lei 30/1984, do 2 de agosto, de medidas para a reforma da función pública, modificada pola Lei 23/1988, do 28 de xullo; Lei 22/1993, do 29 de decembro; Lei 42/1994, do 30 de decembro; Lei 4/1995, do 23 de marzo; Decreto 315/1964, do 7 de febreiro, modificado pola Lei 4/1990, do 29 de xuño; Real decreto 2112/1998, do 2 de outubro; Real decreto 2193/1995, do 28 de decembro, modificado polo Real decreto 1573/1996, do 28 de xuño; Lei 4/1988, do 26 de maio e Decreto 99/2004, do 21 de marzo.

Segunda.-Prazas convocadas e determinación destas.

As prazas que se convocan son as vacantes existentes e que se publican no anexo II desta orde e as que se produzan ata o 31 de decembro de 2006.

Estas vacantes incrementaríanse coas que resulten da resolución deste concurso.

Terceira.-Participación voluntaria.

Poderán participar con carácter voluntario neste concurso:

1. Funcionarios dependentes da Consellería de Educación e Ordenación Universitaria.

1.1. Poderán participar voluntariamente ás prazas ofertadas nesta convocatoria, dirixindo a súa instancia á Consellería de Educación e Ordenación Universitaria nos termos indicados na base quinta, os funcionarios que se atopen nalgunha das situacións que se indican a continuación:

A) Os funcionarios que se atopen na situación de servizo activo con destino definitivo en prazas de Inspección Educativa dependentes da Consellería de Educación e Ordenación Universitaria, sempre e cando, de conformidade coa disposición adicional décimo quinta da Lei 30/1984, do 2 de agosto, transcorren á finalización deste curso escolar polo menos dous anos desde a toma de posesión do último destino definitivo.

B) Os funcionarios que se atopen na situación de servizos especiais declarada desde prazas de Inspección Educativa actualmente dependentes da Consellería de Educación e Ordenación Universitaria, sempre e cando, de conformidade coa disposición adicional décimo quinta da Lei 30/1984, do 2 de agosto, modificada pola Lei 23/1988, do 28 de xullo, transcorren á finalización deste curso escolar polo menos dous anos desde a toma de posesión do último destino definitivo.

C) Os funcionarios que se atopen en situación de excedencia voluntaria declarada desde prazas de

Inspección Educativa actualmente dependentes da Consellería de Educación e Ordenación Universitaria.

Se se tratase dos supostos de excedencia voluntaria por interese particular ou por agrupación familiar recollidos nas letras c) e d) do artigo 29.3º da Lei 30/1984, do 2 de agosto, na súas redaccións dadas pola Lei 13/1996, do 30 de decembro, e pola Lei 22/1993, do 29 de decembro, respectivamente, só poderán participar se ao finalizar este curso escolar transcorresen dous anos desde que pasaron a esta situación.

D) Os funcionarios que se atopen en situación de suspensión declarada desde prazas de Inspección Educativa actualmente dependentes da Consellería de Educación e Ordenación Universitaria, sempre que ao finalizar este curso escolar transcorrese o tempo de duración da sanción disciplinaria de suspensión.

Para os efectos previstos neste punto 1.1, entenderase como data de finalización do curso escolar a do 31 de agosto de 2007.

1.2. Os participantes a que se alude no punto 1 desta base poderán igualmente incluír na súa solicitude prazas correspondentes ás convocatorias realizadas polas restantes administracións educativas nos termos establecidos nelas.

2. Funcionarios dependentes doutras administracións educativas.

Poderán solicitar prazas correspondentes a esta convocatoria os funcionarios dependentes doutras administracións educativas sempre que cumpran os requisitos e condicións que se establecen nesta orde. Estes funcionarios deberán ter obtido o seu primeiro destino definitivo no ámbito de xestión da Administración educativa desde a que participan.

Estes concursantes deberán dirixir a súa instancia de participación ao órgano que se determina na base sexta.

Cuarta.-Participación forzosa.

1. Funcionarios dependentes da Consellería de Educación e Ordenación Universitaria.

1.1. Están obrigados a participar ás prazas anunciadas nesta convocatoria, dirixindo a súa instancia á Consellería de Educación e Ordenación Universitaria, nos termos indicados na base quinta, os funcionarios que se atopen nalgunha das situacións que se indican a continuación:

A) Funcionarios que, procedentes da situación de excedencia ou suspensión de funcións con perda do seu destino definitivo, teñan un destino con carácter provisorio no ámbito de xestión da Consellería de Educación e Ordenación Universitaria con anterioridade á data de publicación desta convocatoria.

No suposto de que non participen neste concurso ou non soliciten suficiente número de prazas vacantes, adxudicáraselles libremente destino definitivo en prazas situadas na comunidade autónoma.

De non adxudicáraselles destino definitivo, permanecerán en situación de destino provisorio na provincia en que tivesen prestado servizos durante o curso 2005/2006.

B) Os funcionarios que se atopen na situación de excedencia forzosa ou suspensión de funcións con perda da súa praza de destino que, cumprida a sanción, non obtivesen un reingreso provisorio e que fosen declarados nestas situacións desde unha praza dependente da Consellería de Educación e Ordenación Universitaria.

Os funcionarios incluídos no parágrafo anterior, no suposto de non participar neste concurso ou, se participando, non solicitasen suficiente número de prazas dependentes da Consellería de Educación e Ordenación Universitaria, cando non obtivesen destino definitivo, quedarán na situación de excedencia voluntaria, recollida na letra c) do artigo 29.3º da Lei 30/1984, do 2 de agosto, na súa redacción dada pola Lei 13/1996, do 30 de decembro.

C) Os funcionarios que perdesen o seu destino definitivo en cumprimento de sentenza, resolución de recurso ou por térselles suprimido expresamente a praza que desempeñaban con carácter definitivo.

De conformidade coa disposición adicional sexta do Real decreto 2112/1998, do 2 de outubro, estes funcionarios están obrigados a participar nos concursos de traslados ata que obteñan un destino definitivo.

No suposto de que debendo participar non concursen, serán destinados de oficio dentro da comunidade autónoma. Os que cumprindo coa obriga de concursar, non obtivesen ningún destino dos solicitados durante seis convocatorias, serán adscritos provisoriamente á provincia en que prestaban servizos no momento de producirse a causa que orixinou a perda do seu destino definitivo.

D) Os funcionarios que con perda da praza que desempeñan con carácter definitivo pasaron a prestar servizos noutros postos da Administración mantendo a súa situación de servizo activo no seu corpo, sempre que cesasen e obtivesen destino provisorio en prazas dependentes da Consellería de Educación e Ordenación Universitaria.

Aos profesores incluídos neste punto que non concursen ou, facéndoo, non soliciten suficiente número de prazas vacantes, adxudicáraselles libremente destino definitivo en prazas situadas na comunidade autónoma.

No caso de non obter destino definitivo, quedarán en situación de destino provisional na provincia en que prestasen servizos durante o curso 2005/2006.

E) Os funcionarios en prácticas no corpo de inspectores de Educación nomeados pola Orde do 1 de xuño de 2006 (DOG do 9 de xuño).

Quinta.-Forma de participación.

Os concursantes presentarán unha única instancia, segundo modelo oficial, que se atopará á disposición dos interesados nas delegacións provinciais da Consellería de Educación e Ordenación Universitaria.

Á instancia de participación deberán xuntárselle os seguintes documentos:

A) Folla de alegacións e autobaremación dos méritos.

B) Documentación xustificativa para a valoración dos méritos a que se fai referencia no baremo que aparece como anexo I desta orde.

Soamente se tomarán en consideración aqueles méritos que debidamente xustificados se aleguen durante o prazo de presentación de instancias.

Sexta.-As instancias, orixinal e copia, así como a documentación á que se alude no punto anterior, poderanse presentar nas delegacións provinciais da Consellería de Educación e Ordenación Universitaria ou en calquera das dependencias ás que alude o artigo 38 da Lei de réxime xurídico das administracións públicas e do procedemento administrativo común. No caso de que optasen por presentar a súa solicitude ante unha oficina de correos, farano en sobre aberto, para que a instancia sexa datada e selada polo funcionario de correos antes de ser certificada.

A instancia dirixirase á Secretaría Xeral da Consellería de Educación e Ordenación Universitaria.

Todas as fotocopias que se remitan deberán ir acompañadas das dilixencias de compulsa, expedidas polos directores dos centros ou das delegacións provinciais da Consellería de Educación e Ordenación Universitaria. Non se admitirá ningunha fotocopia que careza da dilixencia de compulsa.

A Consellería de Educación e Ordenación Universitaria poderá requerir do interesado, en calquera momento, a xustificación daqueles méritos alegados que non estean debidamente acreditados.

Sétima.-O prazo de presentación de solicitudes e documentos será o comprendido entre os días 15 de novembro e 1 de decembro do 2006, ambos os dous inclusive.

Concluído o prazo de presentación de solicitudes non se admitirá ningunha instancia, nin modificación das peticións formuladas, nin documentación referida aos méritos achegados, así como tampouco renuncias á participación salvo o establecido na base décimo primeira.

Oitava.-Os concursantes, nas instancias de participación, solicitarán as prazas por orde de pre-

ferencia, consignando os códigos que se correspondan cos que aparecen no anexo II a esta orde.

En calquera caso, entenderanse solicitadas polos concursantes exactamente a praza ou prazas a que correspondan os códigos consignados nas súas instancias de participación. As peticións que teñan códigos incompletos, inexistentes ou non se correspondan con prazas que poidan ser solicitadas polo participante, serán anuladas. Se a totalidade das peticións resultasen anuladas por calquera das circunstancias anteriores, o concursante será excluído da adxudicación de destinos, sen prexuízo dos supostos de asignación de destino de oficio previstos nesta convocatoria.

Novena.-Para a avaliación dos méritos alegados e debidamente xustificados polos concursantes, no que se refire aos puntos 1.3 e 2.1 do baremo de puntuacións anexo I a esta orde, a secretaría xeral designará unha comisión ditaminadora que estará formada polos seguintes membros:

Presidente: o inspector xefe da Inspección Central.

Vogais: catro vogais designados por sorteo entre funcionarios de carreira en activo do corpo de inspectores ao servizo da Administración educativa e do corpo de inspectores de Educación.

Actuará como secretario o vogal de menor antigüidade no corpo, salvo que a comisión acorde determinalo doutra maneira.

Ademais, poderá asistir ás comisións ditaminadoras un representante de cada organización sindical con presenza na mesa sectorial docente non universitaria, con voz e sen voto.

Os membros da comisión estarán suxeitos ás causas de abstención e recusación establecidas nos artigos 28 e 29 da Lei de réxime xurídico das administracións públicas e do procedemento administrativo común.

A asignación da puntuación que corresponde aos concursantes polas restantes epígrafes do baremo de méritos levaraa a efecto a Secretaría Xeral da Consellería de Educación e Ordenación Universitaria.

Décima.-Unha vez recibidas as actas da comisión ditaminadora coas puntuacións asignadas aos concursantes e aprobadas as vacantes provisórias, procederase á adxudicación provisional dos destinos que puidesen corresponderlles conforme as peticións dos concursantes, as puntuacións obtidas segundo o baremo do anexo I e o disposto nesta orde.

No caso de se produciren empates no total das puntuacións, estes resolveranse atendendo sucesivamente á maior puntuación en cada unha das epígrafes do baremo conforme a orde na que aparecen nel. Se persistise o empate, atenderase á puntuación

obtida nas distintas subepígrafes pola orde igualmente en que aparecen no baremo. En ambos os casos, a puntuación que se tome en consideración en cada epígrafe non poderá exceder da puntuación máxima establecida para cada un deles no baremo, nin, no suposto das subepígrafes, a que lle corresponda como máximo á epígrafe en que se atopen incluídos. Cando, ao aplicar estes criterios, algunha ou algunhas das subepígrafes alcance a máxima puntuación outorgada á epígrafe a que pertence, non se tomarán en consideración as puntuacións do resto de subepígrafes. De resultar necesario, empregárase como criterio de desempate o ano en que se convocou o procedemento selectivo a través do cal se ingresou no corpo e a puntuación polo que resultou seleccionado.

Décimo primeira.-A adxudicación provisoria dos destinos a que se alude na base anterior farase pública nas delegacións provinciais da Consellería de Educación e Ordenación Universitaria.

Os concursantes voluntarios poderán presentar reclamacións ás resolucións provisionais, a través do órgano no que presentaron a súa instancia de participación, no prazo de cinco días a partir da súa exposición.

Así mesmo, durante este prazo poderán presentar renuncia total á súa participación no concurso, entendendo que esta afecta a todas as peticións consignadas na súa instancia de participación. Para estes efectos farase constar que o feito de non ter obtido destino na resolución provisional non presupón que non se poida obter destino na resolución definitiva. As reclamacións ou renuncias presentáranse polos procedementos a que alude a base sexta.

Décimo segunda.-Resultas as reclamacións e renuncias a que se refire a base anterior, procederase a ditar a orde pola que se aproba a resolución definitiva deste concurso de traslados. A devandita orde publicarase no DOG. As prazas adxudicadas na devandita resolución son irrenunciáveis, debendo incorporarse os participantes ás prazas obtidas.

Cando se concorra a prazas de diferentes órganos convocantes, soamente se poderá obter un único destino.

Os concursantes que obteñan praza neste concurso estarán obrigados, no prazo de dous anos contados a partir do 1 de setembro de 2007 a superar, polo menos, o curso de perfeccionamento en lingua galega, agás que acrediten telo superado ou estar en posesión dagunha das súas validacións ou homologacións.

Para tal fin xuntaranlle á súa solicitude a documentación xustificativa correspondente.

Décimo terceira.-Os funcionarios que mediante esta convocatoria obtivesen destino definitivo no ámbito de xestión distinto ao do seu posto de orixe percibirán as súas retribucións de acordo coas normas retributivas correspondentes á Comunidade Autónoma de Galicia.

Décimo cuarta.-Se quedasen vacantes sen cubrir dun sector determinado, os centros pertencentes a ese sector serán atendidos polos inspectores destinados noutro sector da mesma sede, que determine o delegado provincial e que tivesen menor puntuación neste concurso de traslados.

Décimo quinta.-Os funcionarios excedentes que reingresen ao servizo activo como consecuencia do concurso presentarán ante a delegación provincial da que dependa a praza obtida mediante o concurso de traslados declaración xurada ou promesa de non estar separado de ningún corpo ou escala da Administración do Estado, das comunidades autónomas ou da local, en virtude de expediente disciplinario, nin de estar inhabilitado para o exercicio de funcións públicas.

Décimo sexta.-A toma de posesión nos novos destinos que se obteñan de acordo co disposto nesta orde terá lugar o 1 de setembro de 2007.

Santiago de Compostela, 20 de outubro de 2006.

Laura Sánchez Piñón

Conselleira de Educación e Ordenación Universitaria

ANEXO I

Baremo de prioridades ao que deberán axustarse as convocatorias de concurso de traslados de ámbito nacional no corpo de inspectores ao servizo da Administración educativa e corpo de inspectores de educación

Méritos	Valoración	Documentos xustificativos (1)
1.1. Antigüidade. (Ver disposición complementaria primeira). 1.1.1. Por cada ano de servizos efectivos prestados en situación de servizo activo como funcionario de carreira no corpo de inspectores ao servizo da Administración educativa ou no corpo de inspectores de Educación. As fraccións de ano computáranse a razón de 0,16 puntos por mes completo. Para os efectos de determinar a antigüidade no corpo de inspectores ao servizo da Administración educativa e no corpo de inspectores de Educación, reconeceranse, respectivamente, os servizos efectivos prestados como funcionarios de carreira nos corpos de inspectores de procedencia e os prestados desde a data de acceso como docentes á función inspectora de conformidade coa disposición adicional décimo quinta da Lei 30/1984, do 2 de agosto, de medidas para a reforma da función pública.	2 puntos	Título administrativo con dilixencias das distintas posesións e cesamentos que tivese desde o seu nomeamento como funcionario de carreira desde o corpo desde o que concursa e, se é o caso, dos servizos prestados na función inspectora de conformidade coa disposición adicional décimo quinta da Lei 30/1984.
1.1.2. Por cada ano de servizos efectivos prestados en situación de servizo activo como funcionario de carreira noutros corpos ou escalas docentes aos que se refire a LOE. As fraccións de ano computáranse a razón de 0,083 puntos por mes completo.	1 punto	Título administrativo con dilixencias das distintas posesións e cesamentos que tivesen desde o seu nomeamento como funcionario de carreira desde o corpo desde o que concursa e, se é o caso, dos servizos prestados na función inspectora de conformidade coa disposición adicional décimo quinta da Lei 30/1984.

Méritos	Valoración	Documentos xustificativos (1)
1.1.3. Por cada ano de permanencia ininterrompida como funcionario con destino definitivo no mesmo cadro de persoal provincial ou se é o caso, das unidades territoriais en que esta organizada a Inspección Educativa.		Título administrativo con dilixencia da posesión ou, se é o caso, do correspondente documento de inscrición nos rexistros de persoal.
-Polo primeiro e segundo ano.	2 puntos por ano	
-Polo terceiro ano	3 puntos	
-Polo cuarto e quinto ano.	4 puntos por ano	
-Polo sexto ano e seguintes.	5 puntos	
Aos funcionarios obrigados a concursar por ter perdido o seu destino definitivo en cumprimento de sentenza ou resolución de recurso, por provir da situación da excedencia forzosa ou, se é o caso, por supresión expresa con carácter definitivo da súa praza, a puntuación por esta epígrafe será a correspondente á praza que perderon, á que se acumularán os servizos con destino provisional que tivesen prestado posteriormente. Igualmente, os mesmos criterios serán de aplicación aos funcionarios que participen desde o destino adjudicado en cumprimento da sanción disciplinaria de traslado con cambio de residencia.		
1.1.4. Os funcionarios de carreira en expectativa de destino e os que, participando por primeira vez con carácter voluntario opten na súa solicitude pola puntuación correspondente a esta epígrafe en substitución da correspondente á epígrafe 1.1.3. -Por cada ano de servizo.	1 punto	Título administrativo con dilixencias das distintas posesións e cesamentos que tivese desde o seu nomeamento como funcionario de carreira ou, se é o caso, dos correspondentes documentos de inscrición nos rexistros de persoal.
1.2. Méritos académicos.	Máx. 10 puntos	
1.2.1. Doutoramento e premios extraordinarios: * Por ter obtido o título de doutor na titulación alegada para ingreso no corpo desde o que se concursa, ou para o acceso no seu día aos postos de Inspección Educativa.	5 puntos	Título alegado para ingreso no corpo ou, do alegado no seu momento para a súa adscrición á función inspectora, ou ben certificación do aboamento dos dereitos de expedición, de acordo co previsto na Orde do 8 de xullo de 1988 (BOE do 13 de xullo).
* Por premio extraordinario no doutoramento da titulación alegada para ingreso no corpo desde o que se concursa, ou para o acceso no seu día aos postos de Inspección Educativa.	1 punto	Documento xustificativo del.
* Por premio extraordinario na titulación alegada para ingreso no corpo desde o que se concursa, ou para o acceso no seu día aos postos de Inspección Educativa.	0,50 puntos	Documento xustificativo del.
-Polo título de doutor noutras licenciaturas.	3 puntos	Documento xustificativo del.
-Polo premio extraordinario nouro doutoramento.	0,50 puntos	Documento xustificativo del.
-Polo premio extraordinario noutras licenciaturas.	0,25 puntos	Documento xustificativo del.
1.2.2. Outras titulacións universitarias. A posesión de titulacións que figuren no catálogo oficial, no caso de que non se alegasen como requisito para o ingreso no corpo desde o que se participa, valoraranse da forma seguinte:		Título alegado para o seu ingreso no corpo e os títulos que se posúan e se presenten como méritos ou, de ser o caso, certificados do aboamento dos dereitos de expedición, de acordo co previsto na Orde ministerial do 8 de xullo de 1988 (BOE do 13 de xullo). No caso de estudos correspondentes aos primeiros ciclos, certificacións académicas nas que se acredite a superación deles.
Por cada licenciatura, enxeñaría, arquitectura ou títulos declarados, para todos os efectos, legalmente equivalentes.	3 puntos	
Por cada diplomatura, enxeñaría técnica, arquitectura técnica ou títulos declarados legalmente equivalentes e polos estudos correspondentes ao primeiro ciclo dunha licenciatura, arquitectura ou enxeñaría. Non serán baremables aqueles estudos empregados para obter o título alegado para o ingreso ou algún dos títulos baremados na epígrafe anterior.	3 puntos	
1.2.3. Titulacións de ensinanza de réxime especial. As titulacións das ensinanzas de réxime especial outorgadas polas escolas oficiais de idiomas e conservatorios de música ou danza valoraranse da forma seguinte:		Título expedido polo organismo correspondente, certificados do aboamento dos dereitos de expedición ou certificación acreditativa de ter desenvolvido os estudos conducentes á súa obtención.
-Música e danza: grao medio.	1 punto	
-Escolas oficiais de idiomas: Ciclo elemental: Ciclo superior: A posesión do certificado de aptitude da Escola Oficial de Idiomas engloba os dous ciclos. Unicamente se terán en conta para os efectos da súa valoración os títulos con validez oficial no Estado español.	1 punto 1 punto	
1.3. Formación e perfeccionamento.	Máx. 5 puntos	
1.3.1. Por cursos superados relacionados coa función docente e inspectora, organizados polo Ministerio de Educación e Ciencia, polas administracións educativas que se atopen en pleno exercicio das súas competencias en materia educativa, por institucións sen ánimo de lucro que fosen homologados ou recoñecidos polas administracións anteditas, así como os organizados polas universidades. -Puntuarase 0,10 puntos por cada 10 horas de curso superados acreditados. Para estes efectos sumaranse as horas de todos os cursos e non se puntuará o resto do número de horas inferiores a 10. Cando os cursos viñesen expresados en créditos, entenderase que cada crédito equivale a 10 horas.	Ata 4 puntos	Certificado deles en que conste de modo expreso o número de horas de duración do curso. No caso dos organizados polas institucións sen ánimo de lucro, deberá acreditarse de forma que faga fe o recoñecemento ou homologación.
1.3.2. Por participar na dirección ou execución de programas educativos ou impartición de cursos de perfeccionamento convocados e/ou autorizados polo Ministerio de Educación e Ciencia e polas administracións educativas das comunidades autónomas.	Ata 1 punto	Certificado ou informe da dirección xeral correspondente, ou da dirección provincial respectiva.
2. Outros méritos. Máx. 20 puntos.		
2.1. Publicacións. Por publicacións de carácter didáctico ou científico directamente relacionadas coa ensinanza. Aquelas publicacións que, estando obrigadas a consignar o ISBN en virtude do disposto polo Decreto 2984/1972, do 2 de novembro, carezan del, non serán valoradas, así como aquelas en que o autor sexa o autor delas. No caso de publicación que só se dea en formato electrónico, presentarase un informe oficial no que o organismo emisor certificará que a publicación aparece na base de datos bibliográfica. Neste documento indicarse a base de datos o título da publicación, os autores, a revista, o volume, o ano e a páxina inicial e final.	Ata 5 puntos	Os exemplares correspondentes, así como certificado da editorial onde conste o número de exemplares e que a difusión destes foi en librerías comerciais.

Méritos	Valoración	Documentos xustificativos (1)
2.2. Valoración por traballos desenvolvidos (ver disposición complementaria cuarta).	Máx. 10 puntos	
2.2.1. Por cada ano de servizo en postos de subdirector xeral da Inspección Educativa, inspector xeral ou inspector xefe da Inspección Central de educación básica, de bacharelato ou ensinanza media do Estado, coordinador xeral de Formación Profesional, ou en postos equivalentes dependentes das administracións educativas convocantes. As fraccións de ano computarase a razón de 0,125 puntos por mes completo.	1,5 puntos	Acordo do nomeamento con dilixencia de posesión e cesamento e, de ser o caso, certificación en que conste que se continúa no cargo.
2.2.2. Por cada ano de servizo en postos de inspector central, inspector central de educación básica, bacharelato, ou ensinanza media do Estado, ou coordinador central de Formación Profesional, secretario ou administrador da Inspección Central, inspector da Subdirección Xeral da Inspección de Educación, ou en postos equivalentes dependentes das administracións educativas convocantes. As fraccións de ano computarase a razón de 0,083 puntos por mes completo.	1 punto	Acordo do nomeamento con dilixencia de posesión e cesamento e, de ser o caso, certificación en que conste que se continúa no cargo.
2.2.3. Por cada ano de servizo en postos de inspector xefe provincial de Educación Básica ou inspector xefe de distrito de bacharelato ou ensinanza media do Estado ou coordinador xefe provincial de Formación Profesional, ou xefe de Servizo Provincial de Inspección Técnica de Educación, xefe de División, ou en postos equivalentes dependentes das administracións educativas convocantes. As fraccións de ano computarase a razón de 0,062 puntos por mes completo.	0,75 puntos	Acordo do nomeamento con dilixencia de posesión e cesamento e, de ser o caso, certificación en que conste que se continúa no cargo.
2.2.4. Por cada ano como inspector xefe de distrito, xefe adxunto, coordinador de equipos sectorial, coordinador de demarcación, ou en postos equivalentes dependentes das administracións educativas convocantes. As fraccións de ano computarase a razón de 0,041 puntos por mes completo.	0,5 puntos	Acordo do nomeamento con dilixencia de posesión e cesamento e, de ser o caso, certificación en que conste que se continúa no cargo.
2.2.5. Por cada ano de servizos desempeñando postos na Administración educativa de nivel de complemento de destino igual ou superior ao asignado ao corpo polo que participa, sempre que estes sexan distintos dos enumerados nas epígrafes 2.2.1 ao 2.2.4 deste anexo. As fraccións de ano computarase a razón de 0,062 puntos por mes completo.	0,75 puntos	Documento xustificativo do nomeamento con dilixencia de posesión e cesamento ou, se é o caso, certificación en que conste que se continúa no cargo.
2.3. Por ter adquirida a condición de catedrático nalgún dos corpos docentes.	3 puntos	Título administrativo ou credencial ou, se é o caso, no boletín ou diario oficial en que apareza o nomeamento.

(1) As convocatorias poderán determinar que a acreditación dalgúns dos méritos se faga mediante os documentos xustificativos que, para tales efectos, se establezan nestas, ou se incorporen de oficio pola Administración convocante, cando así conste nos seus rexistros.

Disposicións complementarias

Primeira.-Valoración da antigüidade.

1. Para os efectos da epígrafe 1.1 do baremo computarase este curso académico como curso completo. Os servizos aludidos nas epígrafes 1.1.2 non serán tidos en conta nos anos en que fosen simultáneos cos servizos das epígrafes 1.1.1, 1.1.3 ou 1.1.4.

Para os efectos previstos nas epígrafes 1.1.1 e 1.1.3 serán computados os servizos que se prestasen en situación de servizos especiais, expresamente declarados como tales nas epígrafes previstas no artigo 29.2º da Lei 30/1984, do 2 de agosto, así como as situacións de idéntica natureza establecida por disposicións anteriores á Lei 30/1984, do 2 de agosto. Igualmente serán computados, para estes efectos, o primeiro ano de excedencia por coidado de familiares declarada de acordo coa Lei 39/1999, do 5 de novembro.

Segunda.-Funcionarios de carreira que participan por primeira vez con carácter voluntario.

Estes funcionarios poderán optar, indicándoo na súa instancia de participación, pola puntuación correspondente á epígrafe 1.1.3 deste baremo ou pola epígrafe 1.1.4 del.

No caso de exercitar a opción pola epígrafe 1.1.4, puntuaráselle por esta epígrafe, ademais dos anos de servizo prestados como funcionario de carreira en expectativa de destino, os que prestasen no posto desde o que participan con destino definitivo.

No suposto de non manifestar ningunha opción na instancia de participación, entenderase que optan pola puntuación correspondente á epígrafe 1.1.3.

Terceira.-Para os efectos previstos na subepígrafe 2.2.5 non serán tidos en conta cando sexan simultáneos a calquera outra subepígrafe da epígrafe 2.2.

Cuarta.-Valoración do traballo desenvolvido.

Só se valorará o desempeñado/exercido como funcionario de carreira.

ANEXO II

Código	Código	Sector	Sede	Vacantes
15990026C	150300001	Inspección da Coruña	Coruña, A	0
15990027C	150360001	Inspección de Ferrol	Ferrol	0
15990028C	150780001	Inspección de Santiago de Compostela	Santiago de Compostela	1
27990031C	270282701	Inspección de Lugo	Lugo	1
32990034C	320541201	Inspección de Ourense	Ourense	2
36990037C	360381301	Inspección de Pontevedra	Pontevedra	6
36990038C	360573101	Inspección de Vigo	Vigo	5

Orde do 20 de outubro de 2006 pola que se convoca concurso de traslados específico, entre funcionarios docentes do corpo de profesores de ensino secundario, para cubriren prazas nos centros específicos de educación e promoción de adultos.

O Decreto 88/1999, do 11 de marzo, regula a ordeñación xeral das ensinanzas de educación de persoas adultas e os requisitos mínimos dos centros. O artigo 23 do citado decreto prevé que a provisión de postos docentes nos centros específicos de educación e promoción de adultos se efectuará a través dun concurso de traslados específico, no cal se terá en conta, entre outros méritos, a experiencia no ensino de adultos en centros EPA, así como a formación acreditada.

Existindo vacantes nos centros de educación permanente de adultos, a Consellería de Educación e Ordenación Universitaria dispuxo convocar concurso de traslados de acordo coas seguintes bases:

Primeira.-Convócase concurso de traslados, de acordo coas especificacións que se citan nesta orde,